



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 66. Papæ Legatus a Russice & Moscoviæ Græcis carceri datus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV. A.C. 1443. piscopo delegata hanc legem exequendi facultate. Data est hæc Epistola Mense Aprili anno millesimo quadringentesimo quadragesimo tertio. Aliam præterea sub idem tempus scripserunt ad Joannem Palæologum Imperatorem, qua illum nisi a Metrophanis patrocinio, & Latino- rum sententia discederet, anathemate percellendum comminati sunt.

§. LXVI.

*Papæ Legatus a Russiæ ac Moscoviæ
Græcis carceri datus.*

Cum Synodus ista a quatuor Patriar-
chis nullatenus Imperatoris jurisdic-
tioni, sed infidelium imperio subjectis
convocata esset, Joannes Palæologus jam
aliunde nimium meticulosus, insuper
tanta suorum audacia, tamque atrocibus
minis ultra modum perterritus, a pri-
mævo suo fervore longe magis, quam un-
quam alias remisit, proin totus Oriens
eo pertinacius pristino schismati inhæsit,
quo plus apud Græcos hæc Synodus
valebat, quam præsentia sua omnes Pa-
triarchæ honorabant, excepto Constanti-
politano, quem velut anathemate nota-
tum, atque usurpatorem traducebant.
Sequebantur idem quoque exemplum
Russiæ ac Moscoviæ populi, ad quos
Isido-

Isidorus Cardinalis (*) tanquam Papæ Legatus mittebatur, ut unionem prædicaret; hi vero jam a Græcis præventi erant, ac non minus eorum imperio subiecti, quam fidei quoque ac ritus eorum jam a pluribus retro sæculis fidelissimi audiebant sectatores; quapropter Isidorum Cardinalem tanquam seductorem populi, fidei desertorem, atque proditorem, qui eos turpiter Latinis venditasset, captum in carcerem conjecerunt, a quo tamen postea, favente Deo, fuga evasit. Ita una omnes adversus pacem, atque concordiam ad arma convolarunt, excepta satis exigua Cleri Constantinopolitani parte, quæ Patriarchæ sui exemplum, ejusque doctrinam fideliter sequebatur.

Sæcul. XV.
A.C. 1443.

§. LXVII.

Metrophanis Patriarchæ Constantinopolitani obitus.

Imperator tanta suorum rebellione vehementer commotus, ac serpenti malo remedium quærere intentus, ex Metrophanis consilio Synodum Constantinopoli convocare constituit, cujus auctoritate unio-

(*) *Is erat Thessalonicensis Monachus S. Basilii Archiepiscopus Ruthenus ab Eugenio Papa Florentiis decimo quinto Calendas Januarii anno 1439. Cardinalium numero adscriptus.*